

Oqaasiliortut ataatsimiinnerat

Pingasunngorneq, maajip 30-anni 2012, nal. 10.00
Oqaasileriffiup ataatsimiittarfiani.

Peqataasut: *Carl Chr. Olsen, Eva Møller Thomassen, Karl Møller aamma Katti Frederiksen.*

Allatsi: *Katti Frederiksen*

SH aamma sinniisoq peqquteqarlutik pisinnaanngimmata sinniisussap aappaa aggersarneqarpoq.

LH aamma nalunaarpoq peqquteqavissumik pisinnaajunnaariasarluni.

Oqaluuserisassatut siunnersuutit:

1. Tikilluaqqusineq aamma ilisimatitsissutit.
Siulittaasoq tikilluaqqusivoq.

Ilisimatitsissutigineqarpoq Oqaatsinut Politikkip ilassaa allagartalersuinermit tunngasoq ukiamut kinguartinneqartoq. Aamma aasap ingerlanerani ukialerneraniluunniit Naalakkersuisup isumasioqatigiissitsinissaq eqqarsaatigigaa Oqaasileriffik tusartinneqarsimavoq.

Nunavut aamma nunarput kulturikkut oqaatsitigullu sulianik paarlaasseqatigiittarnissaannik tunngasumik atsioqatigiinnissaq juunip 20-ata missaanni pissasoq ilisimatitsissutigineqarportaaq.

Juunip 18-ianniit 20-ata tungaanut CCO aamma KF Ottawami Issittumi oqaatsit pillugit misissuinissamik workshopeqartitsinermi peqataassasut nalunaarutigineqarpoq.

2. Kingullermik ataatsimiinnermit imaqarniliap akuerineqarnera.
Taamaatilugu akuerineqarpoq.
3. Intern post kalaallisut (allakkat nassiutassaannigitsut?)
[Allakkat] **allakkerisarfikoorutassaannigitsut.**
4. Konfliktmægling kalaallisut.
Bilagitassai ilaanngimmata siusinnerusukkut siunnersuutaasimasoq mailikkut nassiunneqassaaq.
5. Nunarsuup sananeqaataa.
jordklodens opbygning – nunarsuup sananeqaataa
skriv tal de rigtige steder på tegningen – titartakkami kisitsisit allallugit
eqqortumik inissikkit

indre kerne – [nunarsuup] **qeqqa**
kappe – [nunarsuup] **qalipaa**
skorpe – [nunarsuup] **qalequtaa**
ydre kerne - [nunarsuup] **ikiaa**

6. MIO
Meeqqat Inuusuttullu Oqaloqatigiittarfiata naalisaatissaanut MIO siunnersuutigineqarluni Oqaasiliortunut nassiunneqartoq taamaatiinnarlugu akuerineqarpoq.
Naalisaatissaatut **MIO** akuerineqarpoq.

7. Stavgang kalaallisut.
Naak ilaatigut ajaappiarluni/ajaappiarsorluni pisunnermik oqartoqartaraluartoq taamaattoq taaguutissatut tassunga akunnaanng Oqaasiliortunit akuerineqartoq unaalerpoq: **ajaappiarsorneq**.

8. Isikkatta inuaasa taaguutaat.
Oqaasiliortunut siunnersuutigineqarlutik nassiunneqartut akuerineqarput:

putugoq
tikeraq
qiterleraq
mikileraq
eqeqqoraq

9. Inuiattut ullorsiornerup taaguutaa
Ulloq 21. juuni tassaavoq Ullortuneq, aammali Inuiattut Ullorsiorneq. Siunissami ordbogini Nationaldagimi Nunatta Ullua pinnagu **Inuiattut Ullorsiorneq** allaqqasalissaaq.

10. Mættede aamma umættede fedtsyrer kalaallisut.
mættede fedtsyrer – **orsoq arrujaatsoq**
umættede fedtsyrer – **orsoq arrujasoq**

11. Nakuusamit saaffiginnissut.
Nakuusas børnepanel kalaallit taaguutissaanik akuerseqqusillutik saaffiginnittut siunnersorneqarput **Isummersoqatigiiffik Nakuusamik** taaqqullugu, tassani tunngavigineqarpoq børnepanel Oqaasiliortunit ima taaguuserneqareernikummat: Meeqqanut [sinniisutut] isummersoqatigiiffik.

12. Protokolchef kalaallisut.
Protokol ansvarlig kalaallisut pisussanut aqutsisumik taaneqarsimasooq naqqinneqaatigaluni (imaalerluni pisussanik aqutsisoq), protokolchef ima taaguuserneqarpoq:
pisussanik aqutsisuuneq

13. Egyptinimiu imalt. igitsinimiu?

Nunat aqqi atorlugit –miu-mik naaniliisarnerup ilisarnaatigaa nunap aqqata angisuumik aallartillugu allanneqartarnera allanngortinneqartannngimmat, ass. Island – Islandimiu, Canada – Canadamiu il.il.. Nunap aqqa tunngaviginngikkaanni mikisumik aallaqqaaserneqartarput, ass. danskeq, grækerei/grækereq, kalaaleq il.il..

Qulaani Egyptenimiu, danskisut allassimanera Egypten allariarlugu kalaallisut nalinginnaasumik uiguuserneqarsinnaavoq, Egyptenimiu, imaluunniit aamma Igitsinimiu atorsinnaalluni.

14. Klarsprogip kalaallisut taaguutissaanut tunngasoq.

Oqaasileriffimmiit aatsaat siullerpaamik qulequttamik klarsprogimut tunngasumik peqataatitsisoqarneratigut klarsprog kalaallisut taaguuserneqarpoq, imak: **nassuitsumik oqalunneq/allanneq**, - tassa ersarissumik immikkut nassuiaqqittariaqanngitsumik oqaatsinik atuineq.

15. Studievejleder/Uddannelsesvejleder

Saaffiginnittup uddannelsesvejlederip kalaallisut taaguutaa allanngortikkusullugu saaffiginnippoq. Siunnersuutigaa aqqutissiuussisumik taaguuserneqarnissaa noqqaassutigerusullugu, Oqaasiliortulli 2010-mi aalajangigaat ilinniartunut siunnersorti atuutiinnassasoq aalajangiunneqarpoq. Tassunga tunngavilersuutigineqarpoq coachip aqqutissiuussisoq kalaallisut taaguutigereermagu, aammalu siunnersortip suliaata ilagiinnarmagu siunnersuiinnarani aamma aqqutissiuinissaq.

16. Patentlovenip kalaallisut taaguutissaa.

Danskisut taaguut qulaani pineqartoq pillugu saaffiginnissummi misissorneqarpoq patentlov siusinnerusukkut qanoq kalaallisut oqaasertalerneqartarsimanersoq, makkualu nanissaapput: allanit assileqqusaanngisitsineq, kisermaassineq, immikkut kisermaassineq, aammalu sanaartornermut tunngatillugu ima atuisoqarsimalluni: nassaa-mi sanaartorneqarnissaanut akuerineqarsimaneq. Kalaallisut atuisarsimanermit patentlovimut nassuiaataasut ilagiinnarpaat, taamaattumillu maannakkut akunnaannermik nassaartoqartinnagu ima taaguuserneqarallarnissaa isumaqatigiissutaalluni:

assilineqatsaaliuinermit inatsit.

17. Omkvæd kalaallisut.

Naak qimiap nassuiarnera tassaagaluartoq taallami niperujoorutini assigisaanilu aallaqqaasiutaasartuullunilu naaniliunneqartartuusoq, taamaattoq Oqaasiliortut aalajangerpaat aamma **qimiaanik** taaneqarsinnaasassasoq. Ordbogit taaguusersuutillu siunissami saqqummer-sartussat aamma taanna ilannguttalerumaarpaat.

18. Prækvalifikation kalaallisut.

Sumut tunngatillugu atornerqarnera apeqqutaalluni ima taaguuteqartinneqalerpoq:

a) **Piukkunnartussarsiorneq**

b) **Pitsaassusissamut nalilersuutissarsiorneq**

Siulleg sulisussarsiornermi ator neqarsinnaavoq aappaalu sanaartornermut tunngasuni pitsaassusissamut tunngatillugu ator neqarsinnaallunitaaq.

19. Naanernik -ga/-ra-mik malittarisaliornissaq?
Nassuiaat nassiunneqarsimasoq taamaatillugu naammagineqaannarpoq.

20. Killiffilersuutit allat taaguutissaat:

{ } **ungaluutaasat**

* **ulloriaasaq**

kipparissoq

21. Bredbånd pillugu qisuariaat

Siornatigut Oqaasiliortut akuerisaat 'internetikkut attavik sukkasooq' atorunnaarsillugu oqaasersiatut atuunnarallassasoq aalajangiunneqarpoq, soorluttaaq aamma Telep nittartagaani oqaasersiatut atuinarneqarsimasoq.

22. Værnsfælles Arktisk Kommando kalaallisut.

Arktisk Kommandomi stationi pineqartillugu kalaallisut ima taaguuteqarpoq: **Issittumi Sakkutooqarfik**. Tassani Nuummiittoq qullersaqarfiusoq pineqarpoq.

Inuilli tassani sulisut pineqartillugit, taakkua suminngaaneerteri pivallaanngikkaluarlugi **Issittumi Sakkutooqatigiinnik** taaneqarsinnaapput.

Tassunga tunngasumik saaffiginnittup aamma ilassutigaa sakkutooqarfik Kangilinnguaniittoq pineqarpat Kangilinnguani Sakkutooqarfimmik taaginnarniarlugu.

23. Social dumping kalaallisut.

Akissarsianut tunngatillugu piffissami kingullermi ator neqaaqattaarne-rani ima kalaallisut taaguuserneqarpoq: **immikkoorsitsisumik akiluttuineq**, tassani annikinnerusumik akissarsiaqartitsisar-neq/aningaasarsiaqartitsisarneq pineqarpoq.

Social dumping sulisunik akilersuinerinnarmut tunnganngimmat isumali taaguutip tunualiaqutaa tassaammat inunnik immikkoortitsineq, oqaaseq immikkoortitsisumik ilaassasoq aalajangiunneqarpoq.

24. ORDBOGEN-ip kalaallisut taaguutissaanut tunngasoq.

Oqaasiliortunit siunnersuutigineqartoq tassaavoq: **Oqaasersiut**.

25. Allat.

Naggataani ilisimatitsissutigineqarpoq Oqaasiliortunit aammalu Oqaasileriffimmit suliat avammut saqqummiunneqartalernissaannut naqitaarannguamik qaammatit pingasukkaarlugit saqqummertarsinnaasussamut tunngatillugu fondimut qinnuteqaasiortoqartoq.

Juullip tungaanut aqqit isumaasa nassuiaataasa saqqummersinne-
qarnissaa aamma pilersaarutaasoq siulittaasup ilisimatitsissutigaa.

Nunat aqqisa nalunaarsorneqarnerisa naammassiartuaarneqarnera
aamma ilisimatitsissutigineqarpoq.

Aasaanerani ataatsimiittoqassanersoq kingusinnerusukkut, suliassat
takkuttussat suuneri apeqqutaallutik, aalajangerneqarumaarpoq.

Inussiarnersumik inuulluaqqusilluta
Carl Chr. Olsen
Siulittaasoq

Katti Frederiksen
Allatsi